



اغضب يا ريس

• اغضب يا ريس

قبل ما يفوت الأوان ..

..

• اغضب يا ريس

ما عادش للصبر مكان ..

..

• اغضب يا ريس

الصبر طال و الدم هان ..

..

• ما عادش كل الهم

سكر و لا رز و لا زيت ..

..

• ما عادش الا الغم

ع اللي راح

وجع و ساكن كل بيت ..

..

• غالى يا تراب الوطن و رخيص يا دم

اغضب يا ريس

قبل ما نرجع تانى نقول يا ريت ..

..

• اغضب يا ريس

ع اللي خاف و اللي ارتعش

و اللي بيستشعر حرج..

..

•اغضب يا ريس

•ع اللي شاف و غمض عنيه

و اللي ما بيسألش ليه

و مين دخل و مين خرج..

..

•اغضب يا ريس

الغضب مالى الوشوش

و الظلم حمل و ما يشلوش

•العدل الاعمى لو عرج..

..

•اغضب يا ريس

و خد درس للى جاى م اللي فات..

..

•اغضب يا ريس

ما عادش بيفيد السكات..

..

•اغضب يا ريس

الشعب خلاص ما عادش صابر

ع السجون و ع المعابر

و ع الوجع على اللي مات..



• اغضب يا ريس

على بياعين الكلام..

..

ع اللي شايفين البلد

سوق للمكاسب و السلام..

..

ع اللي بايعين البلد

على الهوى خاص و عام..

..

• اغضب يا ريس

ع اللي بايعين البلد

ع الهوى عام و خاص..

..

على اللي بيرموا بذور فتن

تطرح بارود تطرح رصاص..

..

• اغضب يا ريس

الكيل طفح

و اللي زمان عفا و صفح

دلوقتى طالب القصاص..